

*BOSNA I HERCEGOVINA  
FEDERACIJA BOSNE I HERCEGOVINE  
UNSKO-SANSKI KANTON  
OPĆINA BOSANSKA KRUPA  
JEDINSTVENI OPĆINSKI ORGAN UPRAVE  
OPĆINE BOSANSKA KRUPA*



*PROGRAM RADA  
Općinskog načelnika za 2020. godinu*

*Bosanska Krupa, januar 2020.godine*

## S A D R Ž A J

1. Uvod .....	3
2. Lokalna uprava .....	4
3. Lokalni razvoj i privreda .....	8
4. Obrazovanje, sport, kultura, mladi i nvo sektor.....	9
5. Civilno društvo .....	12
6. Kapitalni projekti i infrastruktura .....	13
7. Ostale aktivnosti .....	14
8. Zaključak .....	15

**B O S N A I H E R C E G O V I N A**  
**FEDERACIJA BOSNE I HERCEGOVINE**  
**U N S K O - S A N S K I K A N T O N**  
**OPĆINA BOSANSKA KRUPA**  
**JEDINSTVENI OPĆINSKI ORGAN UPRAVE**  
**OPĆINE BOSANSKA KRUPA**

Na osnovu člana 45. Statuta Općine Bosanska Krupa-prečišćen tekst 1 („Službeni glasnik Općine Bosanska Krupa“, broj: 10/17) Općinski načelnik općine Bosanska Krupa, donosi:

**PROGRAM RADA**  
**OPĆINSKOG NAČELNIKA ZA 2020.GODINU**

## **I Uvod**

Pravni osnov za izradu Programa rada Općinskog načelnika za 2019. godinu sadržan je u odredbama iz člana 98. Zakona o organizaciji organa uprave u FBiH („Službene novine FBiH“, broj: 35/05), odredbama člana 13. i 15. Zakona o principima lokalne samouprave u FBiH („Službene novine FBiH“, broj: 49/06 i 51/09), te odredbama Statuta Općine Bosanska Krupa-prečišćen tekst 1 („Službeni glasnik Općine Bosanska Krupa“, broj: 10/17).

Osnovni zadaci i aktivnosti koji su obuhvaćeni Programom rada za 2020. godinu, za nosioca izvršne vlasti općine, Općinskog načelnika, su oni koji proističu iz Ustava, zakona i Statuta Općine Bosanska Krupa.

Aktivnosti na unapređenju funkcionisanja općinske uprave kroz primjenu Zakona o principima lokalne samouprave u Federaciji BiH, poboljšanje u organizaciji i funkcionisanju općinske uprave kao i stalan rad na održavanju i poboljšanju ostvarenih rezultata u pogledu pružanja usluga građanima stalan je zadatak.

Program rada Općinskog načelnika za 2020. godinu zasniva se na nekoliko temeljnih principa, među kojima su najvažniji objektivno prikupljanje svih relevantnih činjenica i ocjena njihove valjanosti i istinitosti, te korištenje raspoloživih podataka statističkih mjerenja privrednih, socijalnih i drugih pojava koje imaju ili bi mogle da imaju efekte na položaj i ulogu Općine Bosanska Krupa u ukupnom razvoju općine i Kantona. U tom smislu, tokom izrade ovog Programa obuhvaćeni su svi bitni pokazatelji, osobine i segmenti lokalnog društva kao što su prostorno-teritorijalni i geografski položaj općine i osobine, stepen razvijenosti infrastrukture i njene odlike, te stanovništvo kao najvažniji razvojni faktor, a radi sagledavanja stvarnog stanja i realizacije projekata kojim će se na najbolji mogući način ostvariti funkcije općine kao jedinice lokalne samouprave.

Rad Općinskog načelnika i općinskih službi u svojoj konačnici znači i djelovanje u interesu stanovništva općine Bosanska Krupa što podrazumijeva i visok stepen odgovornosti.

Program rada je po svom karakteru planski akt, što znači da će se sve aktivnosti koje budu predmet ovog akta predvidjeti, te da će njihova realizacija zavisiti od objektivnih okolnosti koje budu prisutne u datom momentu.

Obzirom da se radi o planskom aktu, cilj je kvalitetno, precizno i realno planirati, uzimajući u obzir i sve moguće objektivne okolnosti. Pod mogućim objektivnim okolnostima misli se prvenstveno na opće društvene teškoće i izazove sa kojima se Općina Bosanska Krupa uspješno nosi već par godina.

Unatoč tome Općina Bosanska Krupa se ubraja u red uspješnih općina, maksimalno je razvojno orijentisana i otvorena ka evropskim perspektivama. Ista opredjeljenja određuju i programske aktivnosti Općinskog načelnika, kao planski dokument koji ima za cilj podići na još veći nivo razvoja općine u 2020. godini.

Ovaj Program rada se temelji na osnovu planiranog budžeta i aktivnosti općinske administracije kako bi se našim građanima osigurale što kvalitetnije usluge i bolji uslovi života na području cijele općine.

Kao i prethodnih godine (vjerovatno i u budućnosti), većina niže prikazanih programskih aktivnosti je usmjereno ka poboljšanju ukupnog ambijenta za privredni razvoj i normalno djelovanje privrednih i drugih subjekata, izgradnji i rekonstrukciji cestovne infrastrukture, izgradnji i rekonstrukciji vodnih i kanalizacionih objekata, bolji život građana, te njihovo učešće u donošenju svih odluka za koje su neposredno zainteresovani. Ove aktivnosti su nužno nameću svake godine kao prioritet, jer predstavljaju osnovne potrebe jedne društvene zajednice pored stvaranja uslova za razvoj privrede.

Dosadašnja praksa je pokazala da su se programske aktivnosti u najvećem procentu i realizovale u planiranom periodu, što će biti jedan od osnovnih ciljeva i ovog dokumenta.

## **II Lokalna uprava**

Po Ustavu Federacije BiH ("Službene novine FBiH" broj 1/94, 13/97, 16/02, 22/02, 52/02, 18/03, 63/03, 9/04, 20/04, 33/04, 71/05, 72/05 i 88/08), općina je definisana kao jedinica lokalne samouprave. Prema Ustavu Općinski načelnik nadležan za provođenje općinske politike i izvršavanje općinskih propisa, kao i obavljanje svih dužnosti koje na općinu prenesu kantonalne i federalne vlasti. Zakon o principima lokalne samouprave u Federaciji BiH jasno definiše da općina ima pravo, osim vlastite nadležnosti ustanovljene Ustavom, baviti se i svim pitanjima od lokalnog značaja koja nisu isključena iz njene nadležnosti, niti dodijeljena u nadležnost neke druge vlasti na osnovu Ustava i zakona. Isti zakon, također definiše da je općina samostalna u odlučivanju o pitanjima iz vlastitih nadležnosti i da ove nadležnosti ne mogu biti ograničene ili uskraćene od federalnih ili kantonalnih vlasti.

Ovaj Program obuhvata najvažnije zadatke općinskog načelnika i općinskih službi koji su od općeg ili zajedničkog interesa pojedinih kategorija građana i njihovih asocijacija, mjesnih zajednica i lokalnog biznisa na kojima će se načelnik zajedno sa svojim saradnicima, državnim službenicima i zaposlenicima neposredno angažovati.

Aktivnosti Općinskog načelnika i Jedinstvenog općinskog organa uprave općine Bosanska Krupa bit će neophodno usmjereni u sljedećem pravcima:

- aktivnosti na implementaciji Zakona o principima lokalne samouprave,
- unaprjeđenje normativnog uređivanja djelatnosti iz nadležnosti Općinskog načelnika i općinskih službi te usklađivanje rada i funkcionisanja općinskih organa uprave sa Zakonom o državnoj sužbi Unsko-sanskog kantona, što je naš stalan i kontinuiran zadatak,
- kontinuirano raditi na poboljšanju u organizaciji i funkcioniranju općinske uprave u skladu sa europskim standardima, nastaviti sa unaprjeđenjem već efektivne, efikasne, odgovarajuće i odgovorne općinske uprave prilagođene potrebama građana i poslovnih subjekata,
- nastaviti sa primjenom programa štednje u tijelima uprave i drugim institucijama i tijelima koji se financiraju iz budžeta Općine,
- sprovođenje sistema elektronskog upravljanja podacima i elektronskog praćenja sprovođenja svih upravnih postupaka, a sve u smislu efikasnijeg rada i smanjenja rokova njihovog izvršava,
- nastaviti izradu i provođenje prostorno planske dokumentacije,
- nastavak aktivnosti na vektorizaciji georeferenciranih planova
- realizacija projekta uspostave zemljišne knjige, projekat registracije nekretnina,
- izrada digitalnog katastarskog komunalnih uređaja,
- prezentacija (namjena zemljišta prema Prostornom i regulacionim planovima) putem web stranice Općine,
- nastavak rada na registru nekretnina i sistemskom upravljanju imovinom, a koji se odnosi na: analiza postojećeg stanja imovine, procjena vrijednosti i analiza stanja po prihodima i troškovima po jedinici imovine i analiza svih odluka koje se odnose na upravljanje imovinom, a u cilju rješavanja pitanja jedinica imovine (zemljišta, poslovni prostori, poslovni objekti, stanovi i dr.) koji ne stvaraju prihod odnosno koristiti imovinu kroz realizaciju projekata kojim će se povećati budžetski prihodi, a time i ekonomski razvoj općine,
- uspostavljanje jedinstvenog sistema informisanja o prostoru Općine u svrhu planiranja,
- raditi na izradi projektnih aplikacija i aplicirati prema višim nivoima vlasti te međunarodnim organizacijama i donatorima, u cilju osiguranja finansijskih sredstava za realizaciju projekata,
- posebnu pažnju posvetiti pitanju komunalne oblasti za što je pored donesenih Odluka i Programa neophodna dosljedna primjena i pojačan svaki vid nadzora, a posebno putem građevinskog i komunalnog inspektora,
- uvažavajući svu problematiku u oblasti imovinsko-pravnih poslova i katastra zemljišta neophodna je maksimalna aktivnost općinskih Službi, usmjerena na rješavanje imovinsko-pravnih problema,
- nastavak aktivnosti na uspostavi katastra nekretnina i katastra podzemnih instalacija općine,
- kroz donošenje raznih odluka osigurati povećanu ekonomsku aktivnost, te zadržavanje stanovništva;
- nastaviti će se raditi na poslovima i projektima koji su započeti u prethodnoj godini, kao i novim projektima u oblastima u kojima je propisana nadležnost općine kao jedinice lokalne samouprave, odnosno u kojima je izražen pravni interes općine,

- nastaviti proces jačanja lokalne zajednice i to naročito kroz efikasan rad mjesnih zajednica i Savjeta mjesnih zajednica, gdje se najbolje mogu uočiti svi problemi koji se tiču građana naše općine, kao i inicirati njihovo efikasno rješavanje,
- i dalje će se raditi na stvaranju što povoljnijeg ambijenta za ulaganja u investicione programe,
- pojačat će se nadzor nad naplatom naknada i taksi po općinskim propisima i kontinuirano ostvarivati kontrola naplate sredstava prometa općinske imovine,
- pojačat će se kontrola rada organa koji imaju nadležnost naplate naknada, izvršit će se ažuriranje uputstava i naredbi koje se odnose na ovu oblast i u skladu sa odlukama osigurati kontinuiran i kvalitetan nadzor u ovoj oblasti,
- nastaviti rad na ažuriranju sistema za vođenje i analizu projekata prema Strategiji razvoja općine Bosanska Krupa,
- nastavak izrade baze podataka geografsko-informacionog sistema (GIS) što će omogućiti kvalitetno povezivanje svih postojećih baza podataka sa prostornim podacima;
- ažuriranje registra zelenih površina,
- ažuriranje registra izdatih urbanističkih saglasnosti, lokacijskih informacija i odobrenja za građenje,
- nastavku održavanja svih javnih, zelenih i rekreativnih površina, kao i kontinuiranom održavanju i uređivanju svih drugih zelenih površina,
- nastaviti rad na poboljšanju usluga javnog sektora na nivou lokalne zajednice u oblasti komunalnih poslova i zaštite okoliša, društvenih djelatnosti, kulture, sporta, medija itd,
- i dalje kontinuirano vršiti inspeksijski nadzor (kontrola privremenog zauzimanja i korištenja javne površine, a sve u funkciji povećanja naplate naknade),
- inoviranju socijalnih programa i brige za ugrožene i kategorije u stanju socijalne potrebe, boračku populaciju, raseljena lica i izbjeglice;
- kroz brojne projekte na nivou BiH, ali i u okviru prekogranične saradnje, stvaranju energetski efikasne općine i javnih ustanova i preduzeća, koja će i na tom polju biti u stanju nositi se sa evropskim standardima;
- vođenju aktivnosti na aktivnijem uključivanju građana u odlučivanje;
- analizi stanja poljoprivrede na području općine i sagledavanju mogućnosti daljeg razvoja;
- u oblasti rekonstrukcije, rehabilitacije, sanacije puteva nastavak započetih projekata, kao i izgradnji i rekonstrukciji novih putnih pravaca u skladu sa Programom kapitalnih investicija;
- raditi na osiguranju značajnijih finansijskih sredstava od viših nivoa vlasti za privođenje kraju aktivnosti u cilju izgradnje nove i revitalizacije postojeće infrastrukture,
- nastaviti koordinaciju sa Uredom BHMAC-a, predlaganje i praćenje projekata deminiranja, tehničkog izviđanja i trajnog obilježavanja rizičnih površina od mina na području općine; prikupljanje podataka o kontaminiranim površinama od mina, obradu podataka i kandidovanje projekata za obilježavanje i deminiranja nadležnim institucijama; koordinaciju i pomoć mjesnim zajednicama, preduzećima i drugim pravnim licima u organizovanju i planiranju zaštite i spašavanja ljudi i materijalnih dobara od prirodnih i drugih nesreća; praćenje pojava klizišta, evidentiranje novih i predlaganje preventivnih mjera za zaštitu i spašavanje ljudi i materijalnih dobara, praćenju stanja priprema za zaštitu i spašavanje od prirodnih i drugih nesreća na području općine i preduzimanje pravilne, stručne, efikasne i blagovremene primjene zakona i drugih propisa i akata; praćenje klimatoloških prilika na području općine

(mjerenje temperaturne vrijednosti zraka, praćenje vodostaja svih rijeka, snježnog pokrivača itd;

- shodno odredbama Statuta Općine vršiti nadzor nad radom mjesnih zajednica i javnih ustanova,
- poboljšanju transparentnosti i protoku informacija unutar administracije i prema građanima i poslovnim subjektima,
- podršci lokalnom privrednom razvoju, planiranju, projektovanju i vođenju svih infrastrukturnih i drugih projekata u općini, unapređenju i osnaživanju saradnje sa poduzetnicima, podršci razvoju poljoprivrede i ruralnih područja,
- nastaviti će se voditi aktivnosti na unaprjeđenju saradnje sa višim nivoima vlasti te drugim institucijama, a sve u cilju boljeg funkcionisanja lokalne samouprave i osposobljavanja službi za njihov efikasniji i potpuniji rad na planu ostvarivanja svih prava i sloboda građana,
- projekt ekonomskog i okolišnog upravljanja – MEG,
- i drugih poslova u skladu sa zakonom.

Aktivnosti će bit usmjerene i u 2020. godini na provedbu propisa iz svih oblasti iz djelokruga rada organa uprave i službi za upravu općine od kojih prije svega i dalje mislimo na provedbu zakona preko kojih građani najviše rješavaju svoje životne probleme.

Programske aktivnosti, kroz realizaciju Budžeta za 2020. godinu, Strategije razvoja i drugih izvora finansiranja, imat će prvenstveno razvojni karakter, kroz fokusiranje na kapitalne i infrastrukturne projekte, ali će zadržati i veliku dozu socijalnog karaktera sa akcentom na penzionersku populaciju, mlade i socijalno ugrožene. Razvojni koncept jasno predstavlja opredjeljenost ka ulaganjima u kapitalne investicije, unapređenje komunalne infrastrukture i ostvarivanje strateških ciljeva.

Kao što je činjeno i svih prethodnih godina, i u 2020. godini obezbjedit će se aktivno učešće Općine u postupcima donošenja zakonskih i podzakonskih akata i to na svim nivoima vlasti kroz davanje kvalitetnih sugestija, prijedloga i mišljenja na utvrđene nacрте i prijedloge određenih akata. Ovi poslovi će se raditi ili samostalno ili u saradnji i koordinaciji sa drugim općinama Kantona, Savezom općina i gradova Federacije Bosne i Hercegovine, a sve s ciljem rješavanja ključnih pitanja koja su bitna za funkcioniranje Općine kao jedinice lokalne samouprave, kao i za život i dobrobit svih njenih građana.

Važno je napomenuti da je status općina i definisanje politika lokalnih zajednica još uvijek u potpunosti neriješen. Naime, u svojoj praktičnoj primjeni ustavna kategorija prava na lokalnu samoupravu svodi se vrlo često samo na puku dekoncentraciju javnih poslova od strane viših organa vlasti. Stoga ćemo i ove godine, kao i prethodnih godina, obezbijediti aktivno učešće općine u postupcima donošenja zakonskih i podzakonskih akata na svim nivoima vlasti kroz davanje kvalitetnih sugestija, mišljenja ili prijedloga na utvrđene nacрте ili prijedloge određenih akata.

Naravno, u svim situacijama u kojima se ocijeni da je došlo do povrede prava na lokalnu samoupravu, reagovat ćemo i pred nadležnim organima tražiti zaštitu povrijeđenih prava i interesa.

kao i ranijih godina i u 2020. godini ćemo u koordinaciji sa drugim općinama USK, intezivnije raditi na rješavanju određenih ključnih pitanja koja su bitna za funkcionisanje općine kao jedinice lokalne samouprave, kao i za život i dobrobit njenih građana.

I u 2020. godini ćemo maksimalnu pažnju posvetiti budžetskoj disciplini, te transparentnosti rada organa uprave u svim vidovima. Nastavit ćemo stvarati uslove za podizanje finansijske discipline na veći nivo, te iznalaziti i druge mogućnosti koje mogu doprinijeti stabilizaciji finansijskog stanja.

Općinski načelnik će u skladu sa svojim nadležnostima i ovlaštenjima, kao naredbodavac izvršenja budžeta Općine, preduzimati i dalje sve aktivnosti u cilju praćenja, ostvarenja i zakonitog trošenja budžeta, redovno izvještavati Općinsko vijeće, te na zakonom propisan način po unaprijed definisanim pravilima kontrolisati i usmjeravati kako budžetsku potrošnju tako i svih dijelova lokalne uprave. Nastavit će se aktivnosti uspostavljanja sistema kontrole finansijskog poslovanja Općine, te korisnika budžeta Općine.

U skladu sa Programom rada OV i u saradnji sa službama, aktivnosti će se usmjeriti da pravovremeno i maksimalno efikasno pripremimo predmetne materijale, kako bi se isti u najvećoj mjeri izvršili. Osim planiranih aktivnosti u ovom segmentu, Općinsko vijeće će biti u prilici da razmatra i nove normativne i druge akte za čijom izradom se pojavi potreba, a što u ovom momentu nije moguće planirati.

## **II Lokalni razvoj i privreda**

Osnovni ciljevi i zadaci u ovim oblastima i dalje će biti usmjerene prema poboljšanju ukupnog ambijenta za dalji privredni razvoj i normalno djelovanje privrednih i drugih subjekata i bolji život građana, te njihovo učešće u donošenju svih odluka vlasti za koje su neposredno zainteresovani.

Polazeći od strateškog opredjeljenja razvoja općine Bosanska Krupa vodit će se aktivnosti na sjedećem:

- nastavit će se raditi na iznalaženju potencijalnih investitora u cilju otvaranja malih i srednjih preduzeća na području općine Bosanska Krupa pri čemu ćemo maksimalno podsticati privrednike naše općine i njihove poslovne partnere,
- nastavit će se dalje aktivnosti – kontinuitet na uspostavljanu i redovnom organizovanju sastanaka sa privrednicima naše općine u cilju otklanjanja prepreka za razvoj privrede i novih zapošljavanja,
- nastaviti postupak i procedure izmjene prostorno-planske dokumentacije, kao i ostale aktivnosti u vezi sa prostornim planiranjem,
- raditi na proširenju građevinskog zemljišta,
- implementaciju infrastrukturnih i drugih projekata u funkciji razvoja novih radnih mjesta,
- nastavit će se započete aktivnosti na definisanju novih i uređenju postojećih poslovnih zona (Poslovne zone „Pilana“, Poslovne zone „Vatreni mlin“, nastavak aktivnosti na oživljavanju Industrijske zone),
- kroz, kako bi se stvorile pretpostavke za nesmetan razvoj privrede na području naše općine,
- razvijanje javno-privatnog partnerstva,
- u saradnji sa mjesnim zajednicama nastavit će se uspostavljanje novih putnih komunikacija ka obradivim zemljišnim površinama u cilju veće uposlenosti i pokretanja malih biznisa iz oblasti stočarstva i voćarstva i efikasnosti u podsticanju iskorištenja dobivenih sredstava.



- radit će se na aktiviranju programa koji imaju za cilj jačanje kooperantskih odnosa između poljoprivrednih proizvođača, prerađivača i otkuplivača poljoprivrednih proizvoda a sve u cilju plasiranja vlastitih proizvoda i sigurnosti u plasmanu njihovih proizvoda.
- nastaviti će se sa dodjelom poticajnih sredstava za plasteničku proizvodnju,
- na adekvatan način, putem organizovanja poslovnih susreta, radit će se na povezivanju privrednika općine sa zainteresovanim poslovnim partnerima u zemlji i inostranstvu, pomagati im i podržavati ih u njihovoj komunikaciji sa višim nivoima vlasti, podržavati zajedničke nastupe na Sajmovima u cilju adekvatne prezentacije privrednih potencijala općine Bosanska Krupa
- vodit će se aktivnosti podrške marginaliziranim grupama žena,
- raditi na implementaciji Zakona o obrtu i srodnim djelatnostima, te na ustrojavanju registra ugostiteljskih radnji i upisnika o minimalnim uslovima ugostiteljskih objekata, u skladu sa važećim propisima,
- kandidovati prema višim nivoima vlasti i međunarodnim institucijama kapitalne projekte,
- aktivno raditi na programu razvoja turizma i korištenje turističkih potencijala,
- informisati više organe vlasti o rezultatima i teškoćama poslovanja privrednika, kako bi se donijele odgovarajuće mjere i zakoni u oblasti ekonomije i razvojne politike.

### **III Obrazovanje, sport, kultura, mladi i NVO sektor**

#### **➤ Obrazovanje**

Osnovni ciljevi i zadaci u oblasti obrazovanja biće usmjereni prvenstveno prema djeci i mladima kao osnovnoj ciljnoj grupi. Aktivna uloga i učešće u ovom najvažnijem segmentu društvene zajednice vršit će se kroz: podizanje nivoa opremljenosti škola, nastavak aktivnosti na rekonstrukciji i adaptaciji školskih objekata, nastavak aktivnosti na izgradnji, rekonstrukciji i adaptaciji sportskih igrališta uz objekte centralnih i područnih škola, podjelu besplatnih udžbenika za učenike iz socijalno ugroženih porodica, te održavanje postojećih, podržavanje školskih manifestacija, podržavanje javne i kulturne djelatnosti škola i stimulisanje njihove saradnje sa mjesnim zajednicama i Općinom.

Nastavit ćemo sa stipendiranjem i stimulisanjem obrazovanja učenika, odnosno mladih generacija od kojih se po završetku školovanja očekuju nove ideje i projekti usmjereni ka društvenom razvoju.

Nastavit ćemo sa sufinansiranjem prijevoza učenika koji pohađaju srednju školu za djecu prema određenim kriterijima, te finansijski podržati, a prema iskazanim potrebama i mogućnostima Budžeta, obrazovne ustanove u provođenju projekata koji se odnose na inkluzivno obrazovanje.

Općina će u ovoj oblasti nastaviti sa praćenjem rada i aktivnosti u predškolskoj ustanovi, osnovnim i srednjim školama, uz pružanje svih mogućih vidova pomoći u organizaciji rada i drugim vidovima aktivnosti ovih ustanova.

## ➤ Sport

Realizacija osnovnih ciljeva i zadataka u oblasti sporta vršit će se kroz afirmaciju sportskih klubova i udruženja, pojedinaca koji svojim rezultatima doprinose podizanju sportske kulture i promociji općine Bosanska Krupa, kroz masovno bavljenje sportom od značaja za održavanje i unaprjeđenje kulture zdravog načina življenja, organizaciju sportskih manifestacija kojima se promoviše Općina Bosanska Krupa i BiH, podršku takmičenjima za mlade, dok će se opredjeljenje i osnovni ciljevi djelovanja prema mladima vršit kroz intenzivniji pristup mladima, na osnovu njihovih potreba, provođenjem brojnih aktivnosti, a naročito kroz:

- izradu strategije za mlade,
- podršku i promovisanje projekata mladih i omladinskih udruženja s područja općine, a koje se odnose na jačanje kapaciteta mladih i njihove uloge u društvu,
- jačanje vizije da mladi žive zdravo, da budu uspješni i kreativni, solidarni i da doprinose održivom razvoju Općine,
- nastaviti pružanje podrške sportskim kolektivima i masovnom sportu kao veoma značajnoj oblasti društvenog života,
- nastaviti pružanje podrške sportskim klubovima i razvoju masovnog sporta,
- raditi na izgradnji sportske infrastrukture kroz sanaciju i adaptaciju postojećih i izgradnju novih sportskih objekata, dječijih igrališta i terena za male sportove,
- nastaviti sa podržavanjem sportske rekreacije građana, školskog sporta i sportsko-rekreativnih takmičenja, turnira i manifestacija.

## ➤ Kultura

Ciljevi i aktivnosti u oblasti kulture biće usmjereni u pravcu afirmacije bosanskohercegovačke kulture kroz podršku kulturnom stvaralaštvu, podršku manifestacijama i pojedincima, unaprjeđenju i jačanju saradnje sa relevantnim organizacijama, ali i sufinansiranjem projekata iz oblasti kulture, a sve putem podrške brojnim projektima koji doprinose promociji Općine Bosanska Krupa.

Nastavit ćemo sa podržavanjem kulturno-umjetničkih društava, podržavati manifestacije koje se organizuju na prostoru naše općine u svim mjesnim zajednicama, organizovati prigodno obilježavanje državnih praznika i drugih datuma koji su od značaja za Bosnu i Hercegovinu, Federaciju Bosne i Hercegovine, Unsko-sanski kanton i općinu Bosanska Krupa, organizovati i druge javne i kulturne manifestacije.

## ➤ Mladi i NVO sektor

I u 2020. godini posebna pažnja bit će posvećena napređenju omladinske politike kroz pružanje podrške radu omladinskih udruženja sa područja općine, afirmisanju mladih na području samoorganizacije i većeg angažmana na polju društvenog aktivizma mladih.

Projekt "Omladinska banka" i "Izrada strategije za mlade" su direktno vezani za Revidiranu Strategiju razvoja općine Bosanska Krupa 2017. – 2020.godina, te je Općina Bosanska Krupa aplicirala na Javni poziv jedinicama lokalne samouprave za podršku u izradi istraživanja i/ili

nacrta strateškog dokumenta za mlade koji je objavio Institut za razvoj mladih "KULT". Ispunili smo sve osnovne kriterije Javnog poziva, te očekujemo da ćemo zaključiti ugovor za aktivnosti pripreme istraživanja položaja i potreba mladih, pripreme analize istraživanja i podrške Radnoj grupi pri izradi Nacrta strategije prema mladima, te do kraja 2020.godine izraditi akcioni plan implementacija Strategije za mlade.

- Nastavit ćemo sa projektom Omladinske banke BiH koja ima za cilj da poveća učešće mladih u razvoju lokalnih zajednica kroz aktivnu ulogu u procesima donošenja odluka, te pružanje podrške aktivnostima mladih u njihovim zajednicama kroz dodjelu bespovratnih novčanih sredstava projektima neformalnih grupa mladih.
- Nastavit ćemo sa projektom START-UP, kojim podržavamo mlade ljude finansiranjem najboljih start – up biznisa koji su usmjereni ka poticanju mladih ljudi da sami osnivaju preduzeća ili obrt što će doprinijeti lokalnom društvenom razvoju, te ostanku mladih ljudi. Ovaj projekt ima za cilj poboljšanje i jačanje mehanizma podrške omladinskom preduzetništvu u lokalnim zajednicama, otvaranje novih radnih mjesta dodjeljivanjem finansijskih sredstava i pružanjem savjetodavne podrške mladim preduzetnicima pri pokretanju start-up biznisa, te omogućavanje volonterskog angažmana određenom broju mladih u svrhu ličnog usavršavanja.
- Nastavit ćemo sa projektom PRO Budućnost-USAID-ovim projektom izgradnje pomirenja i povjerenja među građanima i građankama svih etničkih grupa u BiH. Projektne aktivnosti uključuju mlade, nevladine organizacije, udruženja žena, vjerske zajednice, medije, različite nivoe institucija vlasti, koji će zajednički doprinijeti boljem suživotu građana i građanki Bosne i Hercegovine. Kroz projekt će se raditi zajedno s građanima da se otvori dijalog koji će rezultirati prihvatanjem i razumijevanjem drugačijih identiteta i specifičnih priča, te s ključnim utjecajnim akterima da podrže lokalne inicijative razvoja i pomirenja.
- I dalje podržavati omladinska udruženja sa sjedištem na području općine Bosanska Krupa; fondacije koje rade za mlade; neformalne grupe mladih sa područja općine Bosanska Krupa koje imaju podršku udruženja i fondacija registriranih u Bosni i Hercegovini pri realiziranju projekata na području Bosanske Krupe u budžetskoj 2020. godini.

Raditi na institucionalizaciji omladinske politike kroz sistematsko rješavanje problema sufinansiranja omladinskih projekata iz oblasti kulture, sporta, neformalnog obrazovanja, zdravlja mladih, zapošljavanja i dr. Konstantno će se težiti informisanju mladih o mogućnostima finansiranja i potrebama mladih, sa posebnim naglaskom na ruralne mjesne zajednice i organizacije koje djeluju na tim područjima.

Osim navedenog, također ćemo nastaviti:

- podržavati udruženja koja okupljaju mlade,
- podržavati pojedince i afirmativne manifestacije koje okupljaju mlade,
- provoditi Program mjera za poticaj zapošljavanja i održavanja više stope zaposlenosti, podsticati umrežavanje omladinskih organizacija na nivou općine, te omladinskih organizacija iz Bosanske Krupe sa drugim regionalnim i međunarodnim institucijama i organizacijama,
- organizirati obuku članova omladinskih organizacija u kontekstu projektnog menadžementa za projekte EU i drugih stranih donatora,

- organizovati aktivnosti koje će okupljati mlade: druženje kroz čišćenje i uređenje grada, koncertne aktivnost, predstave, turnire, javne radove i slične aktivnosti, nastaviti sa podržavanjem projekata mladih, sportskih klubova, KUD-ova i svih udruženja koja okupljaju mlade,
- zajedno sa mladima ću biti organizator sportskih takmičenja, koncerata za mlade i sponzor njihovih aktivnosti (izložbe, revije, omladinska poduzetništva i slično),
- u saradnji sa nadležnim institucijama raditi na prevenciji od upotrebe narkotika i opojnih sredstava, nastaviti sa obezbjeđenjem prostornih uslova za rad udruženja koja imaju neuslovne prostorije ili ih nemaju nikako,
- nastaviti sa aktivnostima unapređenja partnerskih odnosa između lokalne vlasti i civilnog društva,
- podržavati programe nevladinog sektora i humanitarnih organizacija, specifične oblasti, kao što je briga o Romima, podrazumijevat će: pojačanu saradnju sa udruženjima Roma, iniciranje formiranja i drugih udruženja koja okupljaju nacionalne manjine.

Osim navedenog, opredjeljenje Općine je pružanje veće podrške mladima s ciljem unaprjeđenja učešća mladih u kulturnom i društvenom životu Općine, jačanje samopouzdanja i senzibiliteta na nejednakosti, te razvijanje kreativnosti, podršku projektima koji tretiraju zdrave životne stilove, sigurna naselja bez delinkvencije.

U cilju sticanja radnog iskustva i polaganja stručnog ispita podržati mlade visoko obrazovane kadrove u obavljanju pripravničkog i volonterskog staža, radi lakšeg zapošljavanja u oblastima za koje se se školovali, kako u organu uprave tako i u javnim ustanovama čiji je osnivač Općina.

#### **IV Civilno društvo**

U saradnji sa Centrom za socijalni rad raditi na kreiranju boljeg organizovanja i stvaranju boljih uslova za efikasniji rad ove ustanove. Na lokalnom nivou u saradnji sa Udruženjem penzionera i dalje voditi aktivnosti na brizi o penzionerima kroz zagovaranje njihovih prava. U saradnji sa JU „Centar za socijalni rad“ Bosanska Krupa i Udruženjem penzionera iz Bosanske Krupe, a u cilju pomoći penzionerima, kao i ranijih godina, socijalno ugroženim penzionerima dodjeljivati jednokratne pomoći za nabavku ogrjeva, prehrane i drugih nužnih potreba. Nastaviti pomagati rad udruženja koje okuplja ovu populaciju, obezbijediti besplatno pružanje pravnih usmjerenja, te upravno-stručnih savjeta o aktuelnim općinskim temama.

Pored ove kategorije programskim aktivnostima za 2020. godinu obuhvaćeni su i ostali socijalno ugroženi pojedinci koji će se pomagati kroz jednokratne pomoći u okviru planiranih sredstava.

#### **Boračka populacija**

Ciljevi i aktivnosti u ovoj oblasti biće usmjerene: na pružanju pomoći u realizaciji programa boračkih organizacija, rješavanju stambenog zbrinjavanja ove populacije, i dalje omogućavati korištenje općinskih prostorija bez naknade za nesmetan rad i funkcionisanje udruženja, nastaviti sa aktivnom primjenom Zakona o dopunskim pravima branilaca i članova njihovih porodica, organizovati aktivnosti koje će okupljati ovu populaciju, nastojat

će se obezbijediti još veća podrška i pomoć boračkim kategorijama, pomoć u postupku prikupljanja dokumentacije za prijavu na javne pozive, kao i za ostvarivanje drugih prava u upravnom postupku.

## V Kapitalni projekti i infrastruktura

U 2020. godini planiraju se slijedeće aktivnosti:

- nastavak uređenja i unapređenja Poslovne zone Pilana kroz projekt „Modernizacija PZ Pilana 500+“,
- izgradnja infrastrukture u Poslovnoj zoni Vatreli mlin kroz MEG projekt,
- nastavak aktivnosti na oživljavanju Industrijske zone,
- nastavak izgradnje sekundarne vodovodne mreže u MZ Jezerski, Mahmić Selo i Pištaline i Vrletnica,
- nastavak izgradnje sekundarne vodovodne mreže u podgrmečkim selima,
- radovi na prenosu sekundarnog cjevovoda i vodovodnih priključaka sa AC na PHD cjevovod u Prvomajskoj ul. Bos.Krupa – MEG projekat –poboljšanja vodosnabdjevanja općine B.Krupa,
- projekt zaštite od erozije „Zelenih otoka“- Male ade u Bosanskoj Krupi,
- nastavak aktivnosti na regulaciji potoka Kalender,
- izgradnja kanalizacije u dijelu Krčevine,
- izgradnja spomen obilježja u Jezerskom,
- put Emrića brdo-Džamište,
- put Ivanjska,
- izgradnja gradske bine na „Zelenim otocima“u B.Krupi
- nastavak aktivnosti na izgradnji jame grobnice,
- nastavak aktivnosti na Projektu MOS - uređenje deponije „Meždre-Vlaški do“,
- nastavak radova na rekonstrukciji, rehabilitaciji i sanaciji lokalne putne mreže,
- izgradnja memorijalnog spomen obilježja „Ćojluk“
- uređenje i zaštita Starog grada u Bosanskoj Krupi,
- nastavak aktivnosti na uređenju objekata BSC u PZ Pilana,
- Projekt MEG – grant šema –sufinansiranje zaštite okoliša,
- sanacija i održavanje drvenih mostova,
- izgradnja javne rasvjete,
- sanacija propusta, šahti, analizacije i oborinskih voda,
- nastaviti započete projekte rekonstrukcije puteva,
- sanacija Centralnog spomen obilježja,
- projekt zamjene postojećih rasvjetnih tijela LED rasvjetom na području općine,
- izrada projektne dokumentacije za potrebe infrastrukturnih i drugih projekata,
- nastavak ostalih započetih projekata i pripreme za realizaciju već pripremljenih projekata, kao i novih projekata koji su od važnosti za građane i općinu Bosanska Krupa.

Osim navedenog u 2020. godini aktivnosti će biti usmjerene na:

- čišćenje divljih deponija,
- čišćenje javnih saobraćajnih površina u naseljima,
- zimska služba (redovno održavanje i dio nekategorisanih cesta),

- odvođenje atmosferskih voda,
- održavanje lokalnih i nekategorisanih puteva i odbojna ograda uz željezničku prugu,
- zaštita površinskih i podzemnih voda,
- zbrinjavanje pasa lualica,
- dekorisanje grada,
- poticati korištenje obnovljivih izvora energije, veće energetske učinkovitosti,
- zaštita prirodnih vrijednosti,
- nastavak uređenja i održavanja parkova,
- nastavak uređenja zelenih površina i opremanja mjesta za rekreaciju,
- nastavak čišćenja i humusiranja obala naših rijeka, Une i Krušnice,
- poticati ekološku poljoprivredu,
- poticati eko-turizam,
- projekt namjenjen žrtvama mina i članovima njihovih porodica,
- projekt iz oblasti poljoprivrede-poticaji, dodjela plastenika,
- izrada Strategije razvoja Općine Bosanska Krupa 2021 – 2025,
- nastavak projekta Omladinska banka,
- nastavak projekta „Omladinski start-up biznisi“
- nastavak MEG projekta,
- nastavak Projekta PRO Budućnost,
- nabavka vozila za JKP „10.Juli“,
- izrada projektne dokumentacije za jamu grobnicu,
- digitalni arhiv,
- izrada Strategije razvoja općine 2021-2025,
- izrada Regulacionog plana „Otoka 1“,
- izrada izmjena i dopuna Prostornog plana Općine Bosanska Krupa 2007-2027,
- Izrada adresnog registra,
- realizacija potpisanog Sporazuma o provođenju Pod – projekta BIH 6 – državnog projekta stambenog zbrinjavanja u okviru Regionalnog stambenog projekta (RSP), kojim je planirana izgradnja zgrade sa stambenim jedinicama u okviru objekta kolektivnog stanovanja,
- Projekt: "Razvoj inovacija i privlačenja investicija-BINOVA"-Sufinansiranje Centra za podšku poduzetništvu.

Ovim programom želim izraziti apsolutno opredjeljenje izvršne vlasti za ubrzanim razvojem općine Bosanska Krupa, te nastavku svih projekata od interesa za lokalnu zajednicu i u svakom pogledu nastavak do sada uspješno realizovanih stavki predviđenih budžetom Općine.

## **VI Ostale aktivnosti**

U skladu sa Odlukom o utvrđivanju značajnih datuma za općinu Bosanska Krupa:

- organizovati prigodno obilježavanje državnih praznika i drugih datuma koji su od značaja za Bosnu i Hercegovinu, Federaciju Bosne i Hercegovine, Unsko-sanski kanton i općinu Bosanska Krupa,
- u skladu s finansijskim mogućnostima pomagati manifestacije koje se organizuju na prostoru naše općine u svim mjesnim zajednicama,
- organizovati i druge javne i kulturne manifestacije.

Nastaviti saradnju sa općinama u okruženju, te putem kolegija Općinskih načelnika i Saveza općina i gradova Federacije Bosne i Hercegovine, djelovati na poboljšanju uslova u lokalnim zajednicama.

Poboljšanje kvaliteta i unapređenje javnosti rada općinskih organa. Održavanje korektnih odnosa sa vjerskim zajednicama, što se u proteklim godinama ogledalo kroz realizaciju brojnih zajedničkih projekata.

Osim navedenih aktivnosti i koordinacije rukovođenja općinskim službama, Općinski načelnik će se neposredno angažovati i na rješavanju drugih pitanja iz nadležnosti lokalne zajednice i od značaja za građane, privredne i druge subjekte i brži razvoj lokalne zajednice u cjelini. Namjeravamo usko sarađivati sa višim nivoima vlasti, međunarodnim organizacijama, nevladinim sektorom, drugim općinama u Bosni i Hercegovini i sl. Takođe, Općinski načelnik će aktivno djelovati na poboljšanju i kvalitetnijem pružanju usluga u javnom sektoru (javne ustanove i javna preduzeća).

## **VII Zaključak**

Ovim programom se utvrđuje i preduzimanje svih mogućih aktivnosti u cilju ostvarivanja maksimalno korektno saradnje sa Općinskim vijećem, političkim partijama i u tom smislu transparentan rad i puna saradnja su osnov za potpunu implementaciju predviđenih zadataka; aktivno učešće u radu Saveza gradova i općina Federacije Bosne i Hercegovine, te nastavak saradnje sa drugim općinama kako u zemlji tako i u inostranstvu, te traženje veza parnterstva i bratimljenja.

Osnovni ciljevi ovog Programa u godini koja je pred nama su postavljeni realno, pa su realna očekivanja da će se i realizovati uz angažovanje svih resursa, unutrašnjih i vanjskih. Prije svega, nastaviti će se raditi na poslovima i projektima koji su započeti u prethodnoj godini i otpočeti projekte planirane budžetom. U cilju realizacije projekta kojima ćemo unaprijediti kvalitet života građana aplicirat ćemo za projekte sa međunarodnim institucijama, kao i višim nivoima vlasti.

I dalje će se djelovati na stvaranju što povoljnijeg ambijenta za ulaganja u investicione programe, i to kroz obezbjeđivanje bitnih pretpostavki za programe. U cilju privlačenja investitora u planu nam je izrada registra zemljišta poslovnih zona u kojem će biti prezentirane lokacije za građenje sa svim potrebnim pokazateljima, čime će se stvoriti pretpostavke za poboljšanje komunikacije sa budućim investitorima, što bi u konačnici dovelo do povećanja broja novootvorenih radnih mjesta.

Pored navedenog, općinski načelnik i nadležne službe će razmatrati i druga pitanja bitna za poboljšanje uslova života naših građana.

Važno je napomenuti da predloženi Program rada predstavlja osnovu koja se može proširiti u slučaju potrebe ili određenih novih okolnosti. To znači da je predloženi Program rada otvoren i za druga pitanja i inicijative koje se budu nametale svakodnevnom praksom i potrebama za njihovim razmatranjem.